



QUÆSTIO MEDICA.

QUOD LIBETARIIS DISPUTATIONIBUS,
manè discutienda in Scholis Medicorum, die Jovis
vigesima nona Decembris.

M. JOANNE-BAPTISTA RENATO
MOREAU, Doctore Medico, Professore
Regio, Præside.

An tepida potus febrium rigorem solvat.

I.

INTER tot mala, quibus genus humanum obnoxium venit, pauca sæviunt sine febre, multa hæc comitatur, in nonnullis etiam ad eorum solutionem optanda. Hujus naturam proprio nomine græci & latini significant. Si aliquam frigidam putas umbram pro Junone, pro morbo symptoma complectens falleris. Omnis in caloris genere & excessu subsistit, qui tanquam hostis insensus humidi primigenii substantiam semper oppugnat laborat, omnesque functiones interpellat. Sive enim cum veteribus calorem præter naturam è corde in omne corpus effusum febrem intelligas, sive cum Silvio pulsus præter naturam frequentiore, sive cum Willi effervescentiam immodicam sanguini & humoribus inductam, hæc omnia ignis essentiam denotant, sed cave ne cujuscumque caloris exuperantiam statim febrem existimes, nisi accensa constansque aliquandiu permanferit. Etenim si vel æstu, vel exercitio aut Balneo corpus incaluerit & mox agitatione sedata deferbuerit, calorem hunc nullus febrem neque morbum appellaverit. Verum quem calorem exceperit morbosa in corpore, *libens* cujus varia supellex varias febrium continuatum & intermittendum species procreat. In quibus persanandis eadem tibi servanda methodus, nec pro variis sectis mutanda curationis velificatio. Quæcumque refrigerant, contemperant, ignem & æstum extinguunt, corporis rigorem relaxant & emolliunt, humoris morbifici impetus & aculeos compri-munt & obtundunt, huncque venæ sectionis & purgationis fursus aut deorsum instituendæ beneficio evacuant, tibi sunt usurpanda. Si verò alicujus malignitatis & maleficii confors ac particeps febris videatur propriis cardiacis & antidoris est oppugnanda.

64 309



FEBRIBUS interpolatis à continuis hoc peculiare est, quod illa quædam *arupēias* habeant tempora, quod quilibet paroxysmus à frigore aut rigore plerumque incipiat & in sudorem definat, quod accessiones statim periodis certisque temporum intervallis redeant, ut nihil sit exactius. Quam quidem effervescentiam sanguinis sic redeuntem & febris intermittētis paroxysmum constituentem nonnulli in succi nutritii assimilatione impedita reponunt; Dum pro diversâ crurior constitutione, succus hic à debita temperie in diathesin modo acrem modo acidam, modo austeram pervertitur. Hinc surgunt periodi intermittētium, non unius generis, & ejusdem distantie; quin aliæ quotidie aliæ tertio aut quarto die repetunt. Alii in obstructione ductuum pancreaticorum lateralium & in humore ibidem restagnante ejusmodi febrium causas collocant, alii cum Galeno in aliquo putredinis fomite, circa umbilicum, hepar, lienem mesenterium, uno verbo in prima corporis officina posito, pro cuius natura sede & foco statas febrium accessiones & periodos procreari existimant, dum putris & inutilis humor ibi cumalatus calorem nativum opprimit, qui cursu liberiori contra naturam, & calore ascititio everberatur & accensus quâ data porta universum corpus impetit, & quâ libertatis gratiam non reperit, nauseam, cardiogmum, vomitum promover, corporis jactationes invehit, tremorem, frigus, horrorem, rigorem incutit. Hic fit valida & inæquali totius corporis quassatione cum manifesto frigoris sensu à repentino alieni inimici objecti ad partes sensibiles appulsu. Rigor etenim requirit & gravem læsionem in parte sensus particeps & strenuum virtutis musculorum expultricis simul & motricis in rem noxiam insultum: Hinc artus syderati non rigent ut pote sensu & motu destituti.

I I I.

QUAMQUAM autem musculi rigorem experiantur, externi tamen in corporis ambitu positi vehementius quam interni conquassari solent. Quod acris & horrida materies in remotiores partes à natura longissimè propulsetur, & à cutis densitate in subditos proximisque musculos percutiatur. Hinc exterioribus magis quam interioribus corporis partibus horremus, veluti cubitis atque femoribus: Hinc etiam rigor posticas partes magis jactat quam anticās; quod materia morbigica circa hospitans, jure vicinatis in eas primum extrudatur & ejiciatur, ibique diutius commoretur ob majorem cutis tergis tegentis crassitiem, unde spinâ oleis calidioribus perunctâ lenitur rigor, contra verò anteriorum partium cutis rara est, ut indicant pili in ipsis densius fruticantes, nec non sudor è pectore quam è dorso uberius erumpere solitus, hinc etiam mulieres propter *δυσχολία* viris rigori sunt magis obnoxie. Rigor autem ab horrore secundum magis & minus solim distinctus vel est *αὐτματ.* sponte natus aut morbosus seu non spontaneus ab internis causis dirimitur etiam in idiopathicum vel sympatheticum: In criticum periodicum & symptomaticum, cujus ultimi ratione interdum ægti Erebi limen jam pulsantes ingentibus quandoque tenentur rigoribus & non tam virum defectu quam vi morbi fato cedunt. Rigoris in genere causam Chimici nitro frigefacienti solent ascribere ut febrium fervores sulphuri inflammato: Veteres vero rigorem rejiciunt & in frigidum à quo remissiores & in acre à quo intentiores rigores procreantur; sic à frigore tempestas aquilonia dicitur *πελάγος* nec non

quicumque æstuante potissimum corpore vel tanguntur ab aëre frigido vel frigida insperguntur vel frigidam hauriunt, atque etiam qui diutius in balneo cunctantur, rigere solent, ita post cibum non modo extrema frigescunt, sed quandoque etiam rigor supervenit.

I V.

ACRIMONIAE vero nomine & salsedo & aciditas aliæque qualitates secunda quibus partes sensibiles pungeretur datum est, atudiendæ veniunt. Acrimoniam seu Eretisimum sæpius adducit *πικρὴν* merum enim partes nervosas vellicans rigorem invehit, quem exadverso solvit vinum *ἰσὶν ἰσὶν* epotum, id est cui non minus quam ipsum est, aquæ adjicitur. Aqua autem mundo coëva omnibus viventibus nota, naturæ nostræ conveniens unicus prudentiæ potus nulli non ætati saluberrima noscitur; sine hac nec corpus ulli viventium dabitur nec ulla alimenti virtus potest nasci, nec tueri nec parari. Quamvis nullis pro alimento sola sit. Gratuitum est omnibus sanis solatium, causariis, ægrotantibus, potu, foru, infestis & crebro ictu ab alto infusa receptissimo quidem usu sæpè abusus esset nisi idoneus & justus arbiter peritus Medicus adesset. Ab hoc liquore vivifico animam hauriunt vitalem plantæ; sed mirare quæso. Quidquid opum terra fundit fœnerato beneficio ab aqua refundit. Hæc igitur perpetuis in deliciis debet esse ei qui sanitati consultum voluerit, hæc omni & ab omnibus sæculis convenit animali; hæc omni hominis ætati saluberrima, quocumque altero potu liberalius & copiosius potest ingeri, omnique alia facilius, amabilius & innocentior debet reputari. Natium enim calorem coctionis autorem promovet, cibos in ventriculo diluit, & permiscet, confectoque cibo utilem succum secernit ab inutili; quiquidem succus utilis aquæ comite quoquo versum per meatuum flexus deducitur, & in angustissimas quoque partium venulas penitus infertur, per oscula & cœca foramina roris modo percolatur, in omnem partis substantiam decedens allabitur, per omne spatium diffusus cumbitur, glutinisque modo firmiter adhærescit, donec tandem assimilatus uniatur. Quid plura? Supervacaneis recrementisque expeditas partes aquæ mixtura & beneficio liberantur.

V.

HANC si optimam quæris, sincera sit & desecata omnis qualitatis expertis dulcis & jucunda gustui, consistentiâ tenuis, quæ cito calefiat & refrigeretur, ventri & hypocondriis minime gravis, qualis quæ horaria, sudo cœlo dubiove, procellosa vel tonitru jactuque fulminum ob murmurante æthere pluit; proxima sed minor dotibus est, quæ puri vivique fluminis atenofo alveo ad orientem placide decurrit, deterior è fonte per plumbos canales manans & de fosso haulta puteo, quæ quidem hypocondriis & visceribus diram infert noxam; quam agitatio & insolatus vix minuunt; ejusdem classis cisternina pluvialis gratiam morata perdidit. Reses de lacunis stagnis que torpentibus vitium quod cepit, facit: gutturosos equiculus totamque medullorum gentem tumore notat vernaculo. Qui de nive & glacie potant strumosi Iberi accusant, tyrannidem gelidi hujus humidi. Sed heu! quam & semper ad *εὐπαιδείας ὁδὸν* suum unice convertit desiderium laborans ad sitim extinguendam. Dum æthnæis totus æstuat ignibus, ut suum incendio flagrantem contemperet sthomacum, recreet languentem, sibi que somnum conciliet & avidi caloris moretur ruinam. Aqua tabidos, hæcticos reddit habitiores: re-

4

medium est febris præsentarium, sanguinis undecumque fluentis, vacationis cholicæ impetum comprimit & sistit, profugum eadem revocat animò linquente calorem, rigorem soluit tetani; hæc decocta capitis mulcet dolores, obstructa referat, affusa tepida, fractis, luxatis, contractis artubus, & resolutis amica ut & ulceribus, dura emollit, densa aperit, laxat tensa, crassa digerit, pigram maturat supurationem, & quod omnem hujus ævi fere paginam implet medentem, veterere innocentique usu, sæpius pro mochlico hæc pota sola satis est emetico. Sic dum Riphæis algoribus glaciatur æger, dum frigus penetrabile illum adurit, hæc una est medela quæ frigus inimicum expellit, inutilis succi morsus frangit & obtundit, calorem blandè suscitatur & fovet ad medelam, uno verbo moderatus ejus calor jure merito habetur *είλεον παρηγορητικό*.

Ergo Tepidæ potus Februm rigorem soluit.

Domini Doctores disputaturi.

M. Joannes-Baptista-Gabriel
Fressant.

M. Claudius Burlet, Schola-
rum Professor.

M. Germanus Preaux, Reg.
Professor.

M. Michael Sawvalle.

M. Alexander-Petrus Mattot.

M. Petrus Daquin, Medicus
Regi ordinarius.

M. Ludovicus Piquenot de
Dragueville.

M. Claudius Bourdelin.

M. Joannes Cordelle.

Proponebat Parisiis JOANNES GAILLARD, Nivernensis, Castro-
Censorius, Baccalaureus Medicus. A. R. S. H. 1695.

Apud Franciscum Muguet, Regis & Facultatis Medicinæ Typographum.